

«Die göttliche Ordnung»

■ (rtr) Quest'emna vegn in nov film svizzer en ils kinos svizzers. Quel tracta il cumbat da las dunnas svizras per il dretg da vuschar. L'autura e reschissura Petra Volpe ha passentà durant sias retschertgas dis e notgs en ils archivs svizzers. La protagonista dal film è Nora, ina giuvna chasarina e mamma da dus buobs che viva l'onn 1971 cun ses um e ses sir en in vitget svizzer. Qua na sent'ins pauc da las revoluziuns dals onns 1968. Ma la pasch da famiglia e dal vitget daventa falombra cura che Nora cumenza a cumbatter per il dretg da vuschar da las dunnas. Il film na raquinta betg mo dal cumbat da las dunnas, mabain era la situaziun dals umens. Intgins dad els na sa sentan betg bain en lur rollas e na dattan betg dumogn a lur mintgadi sco chau da la famiglia che ha da decider tut sez e sto procurar per il paun da mintgadi. Perencunter devi era gruppaziuns da dunnas ch'eran cunter il dretg da vuschar. «Frauen in der Politik ist gegen die göttliche Ordnung.» Per ses film ha l'autura e reschissura Volpe elegì plirs lieus en l'Appenzell sco culissa. Quai na saja betg stà sapientiv perquai che



Die göttliche Ordnung: Las dunnas èn en moviment e quai bètg mo sin il placat dal film.

FOTO RTR A. BERTOGG

l'Appenzell è sa defendì il pli ferm cunter il dretg da vuschar da las dunnas. Las cuntradas cun ils vitgs sparpagliads sajan stads ideals per mussar in vitg en la Svizra, ha ditg l'autura avant il public a Heiden (AR).

Per il film hai duvrà 400 statistas e statists da la regiun. E quests hajan giugà cun in tal anim ch'il film haja survegnì questa dinamica sco quai ch'el preschenta uss. Avant ch'il film va en ils kinos svizzers è el vegnì preschentà en divers kinos en l'Appenzell. Tranter auter er a Heiden en il kino Rosental.

Quel porscha plazs per 130 persuunas. Mardi saira era la sala pli che plaina. Be ca. 20% dals preschents èn stads umens. Las dunnas giunas mancavan. La media da vegliadetgna da las dunnas en il kino a Heiden era tar ca. 40–50 onns. Avant la preschentaziun dal film ha Volpe drizzà intgins plets a la raspada. Il cumbat na saja anc betg a fin, ha ditg la feminista persvadiada als Appenzellais ed a las Appenzellaisas. Ed ella ha animà tuts: «Giai a votar!» – las dunnas hajan stuì cumbatter passa tschient onns per pudair far quai.